


Манзар Абдулхайр

Ташмул



Манзар Абдулхайр

Ташмул



Меърлар



ЯНГИ АСР АВЛОДИ
ТОШКЕНТ
2018

УЎК: 821.512.133-1

КБК: 84(5Ў)6

А - 14

Абдулхайр, Манзар

Тааммул: шеърлар/Манзар Абдулхайр. – Тошкент: Янги аср авлоди, 2018. – 200 б.

ISBN

Шоир Манзар Абдулхайр шеърларида ажиб бир тахайюлий тарзга уйғун чинакам кўнгил ҳаракатлари бор. Шеъриятни ўз тақдири, деб билган шоирнинг ушбу шеърларини ўқир экансиз, гўё сўз замиридаги рамзий маънолар оламига сафар қиласиз. Китоб шоирнинг янги ёзган шеърлари ва “Каш”, “Бозгашт” сингари дostonларидан таркиб топган. Ўйлаймизки, бу ҳол китобхонни эътиборсиз қолдирмайди.

УЎК: 821.512.133-1

КБК: 84(5Ў)6

ISBN 978-9943-20-439-3

© Манзар Абдулхайр, “Тааммул”. “Янги аср авлоди”, 2018 йил.

* * *

Хаёлмиди кўрганим сени,
Гулбоғ узра гунафша гулим?
Гулафшонлар ичра бир сени,
Алҳол топиб, ўртанди дилим.

Мана энди турибман жолам,
Ой нурида ёришди фалак.
Гулчамбарлар тақиб, бир олам –
Гўзал хаёл – мисли камалак.

Ёт гўшалар ёт бир манзилда,
Термиламан, кўзимда оқшом.
Шунда сени кўмсаб, аламда –
Кўзларимга кўнар намозшом.

Гўё руҳсиз ҳайкаллар янглиғ
Тош бу кўнгил кутмас садоқат.
Муҳаббатдан топганим – оғриғ,
Сабрларим – гуллаган тоқат.

30.07.2014 й.

* * *

Балки ўйлар ғамгин тухфафор,
Кўнгил ичра солар шодумон.
Мунда мени этарсан афгор,
Шунда қалбим топадир имон.

Эрта-кечдир ўйларим учар,
Қандай сокин шу мужиб гўша?
Тун аслига, асирин қучар,
Андухимга сирдошин тўшаб.

Кўп куйинма ғуссаманд йиллар,
Кечагидан бу кунинг нақшин.
Ахир, лаҳза мангуга йўллар,
Пурғам диллар лаҳзада нақшин.

Тоза дилим – ғамгусор гулим,
Сенда топдим ўзлим аён.
Шундан қолган маҳзун дамларим,
Сенсизликдан кўнгил хунафшон.

1997 - 2015 й.й.



* * *

Айри дил, ҳей, исёнкор кўнгил,
Ҳеч кўнгилни қилмагил ғамнок.
Олам сари поёнсиз боққил,
Қанча йиллар оғуши намнок.

Кўнгил – ҳайҳот ғамдир калиди,
Борар роҳи ишқ чоғи ҳамон?!
Наҳот, ўша кўҳна боғ-роғи,
Туташтирмас боримиз замон.

Зайлимизга боқмас бедиллар,
Кўнгилни ҳеч қилмайлик увол.
Омон-омон келур замонлар,
Кўнгил қуши топмагай завол.

1997 - 2015 й.й.

* * *

Осмон бағри борар қорайиб,
Қайғулар-чи дарёдай тошар.
Ғам-ғуссалар келар оқариб –
Юрак ичра ўрлашар кишвар.

Шодлик эмас, наҳотки, ғамдош,
Туғилдик-ми ғам-алам туни?!
Шундан бери таҳаммул йўлдош,
Тун кўксига битик азали...

Наҳот, йиллар ўчмас асари –
Кўнгил ичра ботин синоат.
Бир кун қувдек бўзарар таши,
Кечмиш хотир қурган иморат.

9.04.2016 й.

* * *

Ўзимдан узоқлаб қайга кетдим мен,
Яқин кўнгилларга етмасми оҳим?!
Умр сўқмоғида дайди сўқирмен,
Фингшиб ҳар узлатда итдай изғидим.

Нечун воқеликни кўрмас кўзларим,
Ҳақиқат оҳанги чалинмас, наҳот!
Ҳайҳот! Эсламасдир бунда элларим,
Мангу йўқлик ичра йўқолган баёт...

Оҳ, оҳанг! Нақадар ғаройиб ғамнок,
Синиқ хотирамнинг синиқ кечмиши.
Оҳ, оҳанг – бу қадар ғамнокдир намнок,
Кўҳна торларимнинг қадим ўтмиши...

21.03.2016 й.

* * *

Лайлакон¹ йўллари ажиб таврдир,
Унда мужассамдир гўё қадимият.
Ишқимдан тўкилган шеърдирки ахир,
Менда қолган фақат ундан хотирот...

Аланга ичида мудомдир порлоқ...
Тун ўрдаси ичра ёнгай зарғалдоқ.
Унинг манглайига битиксан гўё,
Ана мен оламини кўрган у кунной...

Нажиб тийраликдир ложувард сойи,
Гўё пойлаб турар юлдузлар адл...
Сервиқор тоғларим бағрин тимдалаб,
Руҳи равонимки бўлибдир нузул...

27.10.2016 й.

¹ Лайлакон – қишлоқ номи.



НОНДИК²

Кеккайган тоғларнинг йўллари қийиқ,
тилу забонингни ютар пайваста.
Лол қолар таҳайюр, кўзинг қийқириқ –
бетайин ерларга тушар шикаста...

Кезарсан Кўҳкан³, тошар ғам-андуҳ,
юрагинг қинидан чиқмоқ истаюр.
Отилар кенгликлар бағрига ногоҳ,
сенинг хаёлингдан учган бир сайёр...

О, Нондик навоси тимдалар бағринг,
руҳингни қиймалар, тоғ ҳавоси бод.
Ётибдир безабон тошлар ному нанг,
билмайсан уларнинг забонин минбаъд...

Кўзларда кўз очар ҳайратий уввос,
дарду ситам ичра жонланар кенглик.
Шарқироқ сойларнинг довуши нохос,
руҳингни тортқилар мужиб саркашлик...

Нондик одамлари қадим оламлар –
Ўзлигин ўзига жо этган хилқат.
Бўзарган юзлари зиҳе мунаввар,
сўзлари нондайин баса аломат...

Яшамоққа чорлар юз қарашлари,
дерлар: губорлардан тозалар кўлка...

² Нондик – Қашқадарё вилоятининг тоғ ён бағирларидаги бир маскан, яъни жой номи маъносида.

³ Кўҳкан – Фарҳод каби маъносида.



Bu tanishuv parchasidir. Asarning to'liq versiyasi
<https://kitobxon.com/uz/asar/3833> saytida.

Бу танишув парчасидир. Асарнинг тўлиқ версияси
<https://kitobxon.com/uz/asar/3833> сайтида.

Это был ознакомительный отрывок. Полную версию
можно найти на сайте
<https://kitobxon.com/ru/asar/3833>